

docriker 文川网
入驻商家 古籍书城
在文川网搜索古籍书城 获取更多电子书

中國方志叢書·塞北地方·第二十號

據 民國郭維城修·王告士等纂
民國十一年鉛印本 影印


察哈爾省

宣化縣新志

(全)

成文出版社印行

2195075



10098486

中華民國五十七年三月臺一版

宣化縣新志

定價：新台幣三二〇元正

發行人：黃成助

臺北郵政信箱二二六〇五號

出版者：成文出版社

臺北郵政信箱二二六〇五號
電話：九二二〇一〇號

印刷者：正大印製廠
三重市長生街二號之一

內政部登記證內版臺業字第一一四七號

版權所有

中國方志叢書導言

論方志在史籍中的地位及功用

論我國史籍的源流，要以尚書和春秋最古。章學誠（一七三八—一八〇一）有六經皆史的說法，認為古人未嘗離事而言理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，總該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成為經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年瞿兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中概說：「今者國史之業，既無專司，而著作體裁亦宜畧變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事乖輓，職是之由。」這樣看來，我國累存的史料確是不少，可惜史學研究上還待覓行檢討哩！

docsriver 文川网
入驻商家 古籍书城

在文川网搜索古籍书城 获取更多电子书

唐宋以來，史籍的編纂却也演進許多，官修的演化爲編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二一），他取諸家所作的史籍，闡明義例，商榷利病，遺存傳世的有史通一書，獨具評論性。另一位是章學誠（一七三八—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二二七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依願頤剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王經珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的循環律陷阱，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要盡量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。(四)歷史研究者須有哲學的氣質，參用科學的方法，獲取藝術的成果。(五)對史實的特殊相若不加以解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。為了適應時代需要，樹立清晰而有系統的概念，我們把選印本方志叢書的範疇，暫定為鄉、縣、府、郡、行政區的地方史，及各種叙一物一事的專志等（如瀘水志、廬山志）。

明清以來，方志成為地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞菲律賓史上的李馬奔 (Limahong) 真人考，據閩粵方志而成。
- (4) 日人桑原隲藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

(6)專從物產而言：乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有有趣的史料。又如何炳棟曾利用方志研究中國的早熟稻種。

(7)元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。

(8)地方賦役的負擔，也可從方志比較輕重。

(9)往日的的水陸交通、驛站距離，也可查知考證。

(10)鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。

(11)章學誠永清縣志對縣衙組織和差役的待遇，也是今日不易找到的資料。

(12)往昔教育制度的社學、義學、書院、學田、科舉應考生的旅費等，也可從方志查考。

(13)風俗、節日、寺院、壇觀、碑碣、古墓，在方志中均有豐富的記載可資考證。

(14)少數民族如苗、獠的風俗，方志記載也很可靠。

(15)歷任地方官的姓名、科舉名錄，更是考證上的極好資料。

從這些功用看來，方志確也含有一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢袁康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

中華民國五十六年六月二十五日何光謨謹識於成文出版社

宣化縣新志目錄

卷首

序

修纂姓氏表

凡例

圖繪

卷一

地理志

卷二

建置志

宣化縣新志

目錄

卷三

古蹟志

卷四

物產志

卷五

實業志

卷六

財賦志

卷七

學制志上

學制志下

卷八

禮俗志

卷九

兵備志

卷十

警察志

卷十一

官績志

卷十二

宣化縣新志

目錄

職官志

卷十三

人物志上

卷十四

人物志下

卷十五

選舉志

卷十六

藝文志上

卷十七

藝文志下

卷十八

大事記

宣化縣新志

目錄

三

序

宣化郭君維城既修宣化縣志事竣而問序於予予於是邦有采風問俗之責顧未嘗涉足先取是書讀之亦堪以藉窺梗概考宣自改衛爲縣始有令陳坦所修縣志陳之前有尹氏孫氏胡氏三志時宣尙爲鎮所志多武功陳志修於清康熙五十年後依據三志規模略具紀載猶簡自是厥後距今二百年此二百年中之變遷之改革之衍進去古已遠文化漸開徵文考獻正後人所有事郭君號宿學負鄉望斯役之難獨勝任而愉快予觀其志地理志建置志古蹟志物產志實業志財賦志學制志禮俗志兵備志官績志藝文更括以大事之記編次之審慎

宣化縣新志

卷首 序

體例之謹嚴文詞之典要人偉厥功允稱完備予尤重其學制一門蓋教育爲根本之圖學制良窳地方文野所關綦重而興替因之既尊舊聞宜研新制是在讀是書者知所因更知所革以振精神而樹模範光榮志乘所望在茲卽揆諸作者郭君之心當必以是爲抱負所存固不徒以史才見美也

直隸教育廳長張謙

序

自來邑乘之作與國史並重良以一邑中事事物物得失變遷歷百千年而猶得備參稽資則效者固舍是莫繇也有清一代文教昌明舉念二行省內若府若廳若州若縣無問赤畿望緊邊僻貧瘠其疆域沿革職官建置以至文事武備戶口食貨人才風俗之屬鮮不動勤搜討勒爲成書然司其事者學或未粹才與識或稍迂庸則附會穿鑿繁蕪鄙俚之病雜然而呈了不足示徵信而垂法守令人覺之有齊東野語之慨禍甯災梨徒貽非笑夫何貴哉民國七年予應聊城鄒聲甫觀察之聘來遊宣化暇每諮訪境內藏書家與績學能文之彥人輒舉郭孝廉宣化縣新志

卷首

序

一

效宗對私衷竊深敬慕而日困簿書重以關防嚴密未獲過從覘其所詣洎十一年春奉檄攝縣事效宗時適任教育會會長因公至室器宇雍容清言娓娓動中窾要蓋其生平鑽研典籍老且益專而經世之書彌所酷嗜於中西學說靡所不窺謂之博雅君子殆無愧色謬以予於斯道略辨塗徑乃出其所纂本邑新志屬爲弁言予玩其詞旨有淺有深論議有純有駁執筆既匪一人行文自不能無軒輊然體例謹嚴採錄詳贍上自唐虞下訖今世事無鉅細凡所紀載一以裨益學術民治爲歸而輿圖之精繪警務實業諸新政之旁徵徧引羅列無遺以視舊志美備實多居是邦者苟欲有爲此其善鑑於以歎邑人士

毅力深識度越尋常而效宗提挈規畫之功爲不可及也爰喜而草此聊抒微尚尤祝我宣後來之秀聞風興起就效宗與在事諸君已成之業修飾潤色發揚光大之則益善矣中華民國十一年九月印江陳時雋石朋甫

宣化縣新志

卷首

序

二

序

宣爲古上谷郡秦漢以還地近邊徼文獻掌故多略而不詳及石晉以山後十六州路契丹地遂陷於北虜金元之際典章文物雖散見於各書然湮沒者固不尠已有明一帶宣爲用武地名臣宿將接踵而起降及滿清蒙古內向干戈化爲玉帛二百餘年休養生息文化且蒸蒸日上此吾宣之沿革因襲歷史上所僂指數也迨民國紀元國體變遷遠非昔比有識之士懼舊典之日湮思欲補殘拾闕以完我一邑志乘斯文不墜或賴此一綫之留貽乎郭君效宗宣之耆宿也數以書來詔余謂舊志成於康熙末年距今又二百餘紀其間政治之因革人文之蔚

宣化縣新志

卷首

序

三

起苟置而不修數傳而後保無有湮沒弗彰者况舊志之蕪雜久爲識者所公認搜集纂訂吾輩之責也子其有意乎余得書且慚且感夫以余之才淺學陋於志乘之學未窺堂奧加之羈身薄宦餬口四方編輯之任無能爲亦無暇爲平生老友忽以此相詢徒增慚慙耳然盲不忘視跛不忘履竊願是書之成未嘗不耿耿於懷也抑吾聞之作史莫難於志矧在今日體例之變革事實之徵求其難尤倍於曩昔今郭君之爲是書繁者刪之闕者補之事必翔實言必雅馴自秦漢以迄民國無不分門別類燦若列眉殆能融出新舊於志乘中別開生面者其庶幾足以詔示來茲乎余樂觀是書之成並喜郭君之能竟其志也

是爲序

邑人錢福森撰

宣化縣新志

卷首

序

四

重修縣志之原委

宣自改衛爲縣始有縣志是康熙五十一年縣令楚黃陳坦所作也前乎此者有蔚人尹耕兩鎮三關志邑人孫太史世芳宣鎮志進士胡以溫續鎮志大都就鎮言鎮其於邊防之要害戰守之得失言之詳矣關於民政範衛紀述者甚妙陳志以此爲藍本宜乎文繁事簡無可諱言然猶幸宣邑之自是有志也厥後二百餘年奉爲典章曾未有拾其遺而補其缺者後之人徵文考獻仍守二百年前之故物豈足憑乎由今觀之雖謂宣邑之無志也可開管流覽陳編緬懷往事每欲操觚補綴以效一得之愚第恐誦陋無文貽人笑柄而時局變遷又無暇及此蓋

宣化縣新志

卷首

序

五

心有餘而力未逮也久矣辛酉之夏大同縣令邑人馮君延鑄使使來謂邑志年久失修先生不得辭其責并寄至晉屬修志簡章數分以促其成尋有石樓縣令邑人錢君福森寄到洪洞縣新志一部以資標準且許往復函商盡力襄助然猶慮茲事體大未敢倉猝着手也時陳縣長繼曾謂余曰重修邑乘內務部先有通令况宣志失修已二百年之久其中人物不知湮沒凡幾矣若再遲延不修所謂忠孝節義無人表揚君等文人不得辭其咎勉速爲之其毋却並出本籍涇縣志示之藉以激勵也予且慚且感集合同人商訂辦法僉謂邑之有志猶國之有史家之有譜也任其殘廢無人過問其國可知其家可知宣志

宣化縣新志

卷首

序

六

二百年來不能繼續前係專制時代私人不敢置議抱殘守缺尙可原也今則言論自由而於地方之禮俗教治漠然置之其爲邑更可知矣同人極端贊成願各出所長以相助爲理予曰唯唯夫志者記也必前有撫拾後有傳聞乃能記其事而無誤時殊勢異公署案牘大半失落無存者亦多剝蝕朽蠹無法檢查如此則撫拾難人事變遷老成凋謝乾嘉道咸間事鮮有知之者卽或父老相傳往往言其略而難道其詳掛一漏萬憑空臆造豈信史乎同人曰否否志者記也所以記一邑之事也分門別類極力搜羅目見耳聞多人採訪有則記之無則刪之事則寧缺勿濫文則寧簡勿繁但求確實而考古次之縱不能成一完書不愈於擱置不理乎於是擬定門類分任編纂採訪以三個月爲期分纂以十個月脫藁溯自民國十年夏歷八月設局開始至次年六月撤局告成此宣化縣新志之所由出也

中華民國十一年 月

邑人郭維城謹識

新志之編次

新志者何別於舊而言也一代之興必有一代之法第循舊例踵而成之名爲修志實則續之也而百度維新萬難守舊舍其舊而新是圖不得不有新志以區別之時勢所趨殆不得不然耳顧革故鼎新版圖爲重舊志於疆域沿革山川形勢言之詳矣而地圖一幅甚形簡略是昔之所輕而今之所重也故詳繪縣境全圖各區分圖城郭圖山脉河道圖作地理志以說明之繼地理而志者曰建置建置地輿上事也前志應有者存之未有者補之而革新以後諸種機關皆前代所未有何時成立位置何處可按籍而稽也故作建置志生今之世論古之人或人

宣化縣新志

卷首

序

七

以地傳或物以人顯憑乎歎歎能觸後人之感慨者皆古蹟也而瑣屑細事及荒渺無稽之說不與焉故作古蹟志地不愛寶而百物生焉曰植物曰動物曰礦物三者統之矣實地調查應有儘有不欲蹈泥古鮮通之習故作物產志物產之盛衰實業之興替視之曰農曰工曰商設法改良必有蒸蒸日上之勢而煤礦爲宣境特產利權在我將不至貨棄於地則人民之生計可由此而覘其狀況焉故實業志次之租稅爲人民所負擔財產卽人民之脂膏也在國家在地方無非取之民者還之民以驗登耗以稽盈縮而出納之或減或增亦得知其總額所謂有土此有財有財此有用也故財賦志又次之富而後教古有明

宣化縣新志

卷首

序

八

訓施行教育重在學校但今之學校與古之學校名同而實異教育普及不必專在學校古今異制未可以一律論也故改名曰學制志教育興矣而禮儀之慎重風俗之善良胥視乎此官家之遵守祀典民間之冠婚喪祭皆禮也家庭社會之習慣歲時循行之故事皆俗也擇善而從不善者改之將有待也統名曰禮俗志夫有文事必有武備雖明清異代軍制不同專制共和警章幾變要之爲謀地方之治安則一鎮守嚴疆必需將弁志兵備所以重邊防也維持秩序責在巡查志警察所以資保衛也雖然文教之旁敷武事之張弛端賴乎人人存政舉國之幸民之福也凡有功德於民者文經武緯有美必彰故曰宦績志其他雖無事績之可稱及有事績而茫無足據者祇載姓名依次編入故職官列宦績之後若夫山川鍾毓類多雄才彪炳旌常胡可沒也下至衣冠之族巾幗之良所以篤彝倫而尙名節者亦昭昭然在人耳目徵之正史探之民間不敢附會從公論也故曰人物志其前代之科第民國之議員分別記載不加品評故選舉列人物之後人生經濟之表見必藉文字以傳之或爲行政長官或爲當時名宿對於地方風化人心有重要關係者不論長篇短幅擇要錄之以資考鑑此藝文志之所由作也至於戎馬奔馳帝王巡幸自漢迄明史不絕書而悉索做賦以迎王師大抵害多而利少撫今追昔感慨係之矣爰仿編年

紀月例以記之俾知古今世變之大相懸殊也故以大事記終焉

郭維城又識

宣化縣新志

卷首

序

九

修纂縣志人員表

履

歷

姓名	職別	籍貫	履歷
監修	次纂	籍貫	履歷
陳繼曾	省吾	安徽涇縣	民國九年曾任宣化縣知事
陳時雋	石朋	貴州印江	民國十一年曾任宣化縣知事
總修			
郭維城	效宗	城	前清舉人現充本縣教育會長第五師範國文教員
分纂			
王吉士	萬臣	城	前清貢生曾任吉林盤石縣訓導順直
董尙友	益軒	城	前清舉人現充師範講習所所長並農會會長
劉景南	壽昌	城	前清舉人曾任察哈爾陶林山西屯留等縣知事現充商會會長
宣化縣新志 卷首 修纂姓氏表 十			
王廷元	復同	城	前清舉人曾任黑龍江大同縣知事
宗汝培	芝庭	城	前清舉人保定師範畢業日本經緯學堂畢業現充勸學所所長
閻慶陸	補皋	城	前清庠生北洋法政專門畢業
張鴻賓	嘉甫	城	前清庠生保定優級師範畢業現充第一高小學校校長
孫慶祥	祝三	城	前清庠生選派日本警察自治學堂曾任本縣自治會文牘現充警察所副督察員
丁重三	信侯	城	北京分科大學畢業現充第十六中學校教員
提調			
王璧	連城	城	前清鴻臚寺序班曾任中學庶務及高小學董
馬永泰	子騰	城	前清庠生曾任參事會參事員自治會會長教育會長自治講習所所長現充財政所所長
校閱			
王吉士	見前		

劉董	北	王	劉	西	張	甄	南	郭	宣	王	東	李	城	探	王	徐	書	孫	繪	錢
紹舒	區	汝功	化均	區	績	兆元	區	應昌	化縣新志	士鍾	區	生金	區	訪	德貴	繡	記	慶祥	圖	福森
漢生		鼎助	可山		教齋	春鏡		景文	卷首	秀峯		為鈞			致和	煥文		見前		竹坪
縣西		縣西	縣西		縣東	縣東		縣南	卷首	縣東		縣		縣南	縣					縣南
望北		化南	深井		縣東	縣東		村堡	卷首	小堡		城		村人	城					家沙
山鄉		化南	井堡		黃莊	堡		堡	卷首	堡				鄉						城
前清		前清	前清		高小	分駐		前清	十一	高小		前清		警務	中等					前清
洋生		舉人	黃生		小業	所警		洋生	十一	小業		增實		教練	農學					舉人
現充		法政	曾任		業現	董		現充	十一	業生		生現		所學	業會					現任
勸學		學東	任省		充勸			勸學	十一			商會		財政	任會					山西
員		山東	省議		學員			員	十一			文		所書	長					石樓
		候補	會						十一			順		記						縣知
		知事	員						十一											事

凡例

一自前清康熙三十二年改衛爲縣縣志之作成於康熙五十年由軍事區域易爲民政範圍故記軍事甚詳而民事甚簡迄於今又越二百餘年矣搜羅故籍既散佚無存採訪遺蹤亦摧殘殆盡事關乾隆以後同治以前者多有疏漏處閱者諒之

一國體既更重在民治故別其名曰新志有舊志有而新志無者如詔命法令祠祀是也有新志有而舊志無者如禮俗實業警察是也有新志須與舊志變通者如學校改爲學制武略改爲兵備名宦改爲官績鄉賢統歸人物是也因時制宜

宣化縣新志

卷首 凡例

十一

非敢妄爲增減

一輿圖爲當世所重全圖分圖係由警區測繪而來道里界限雖不敢謂無疵然較舊圖則差勝矣
 一地理一門依據府志而洋河桑乾河之源流關係甚大故又參考河渠志不厭求詳
 一建置一門由現在而追溯往昔雖時殊世異沿革大殊不能不載其名稱以覘盛衰興廢之故
 一舊志不列古蹟府志記之亦甚簡略茲參酌羣志分類補入
 一宣屬爲農產區於物產一門注重植物均由編纂者平時經驗並實地調查詳細記載非錄舊也

一宜邑地瘠民貧實業甚不發達故分農工商礦列表比較可知地方生計之狀況

一財賦分戶口田賦租稅等類考古證今以驗人民負擔之輕重

一學校制度今昔不同故卷分上下示有別也

一禮俗一志舊志所無前代祠祀甚繁而民國之列入祀典者祇文廟關岳廟故另立一門以示尊敬先禮而後俗故名禮俗志此創例也

一前志重戰攻故名武略本志重防守故名兵備內分明制清制迄於現行制以醒眉目

宣化縣新志

卷首 凡例

十三

一警察爲地方要政亦民間負擔之一大部分故先叙原委而於經費之出納尤加詳焉

一官積除照舊志登錄外新增者二十餘人明知湮沒不少然事實未詳寧付闕如不敢臆造

一職官選舉兩門俱按府志列入乾隆以後皆係新增極力搜羅仍多遺漏

一前志人物多係武助餘類曾無幾人仍按年代順序列入新增者分孝友儒行義方武略貞烈四類前後兩歧是變例也
一藝文皆採自各志重實行不重虛文續增者文雖不佳但於地方公益有關者錄之不然則否

一舊志於武略巡幸恩恤等事皆立專門茲并歸納大事記內以見今昔情勢之不同

一全志共成十六門計訂十八卷立綱貫簡分目宜詳作者之本意如此

一分門別類編纂多人非出一人手筆蕪雜之病在所不免修正完全仍俟後之君子

宣化縣新志

卷首 凡例

十四

docsriver 文川网
入驻商家 古籍书城

在文川网搜索古籍书城 获取更多电子书

宣化縣新志卷一

地理志

宣化地處關外逼近蒙疆現今為力穡之奧區伊古實屯兵之要鎮考其經界割裂難稽時或拱衛中原時或淪陷異域明代疆臣猿鶴屢化前清定鼎滿蒙一家民生其間咸蒙樂利焉自康熙末年由三衛駐紮地劃為知事管轄地名稱既異沿革不同而疆域之廣狹山川之形勢亦由此而有今昔輕重之殊參古證今實事求是或有裨於萬一乎志地理沿革

宣化縣新志

卷一 地理志

前漢幽州上谷郡女祁下洛茹涿鹿四縣地

(明史地理志)宣府本元宣德縣

(金史地理志)宣德舊文德

(遼史地理志)歸化縣本漢下洛縣領文德文德縣本漢女祁

(水經注)下洛城東北三十里有延河於延水也東流北有

鷄鳴山陽河沿山東流則下茹縣故城在鷄鳴山西十里又

陽樂水東北流逕大翻山北歷女祁縣故城按此則女祁在

又魏土地記曰下洛城東南六十里有涿鹿城

(明一統志)保安漢置涿鹿

(按)水經注下洛茹俱在縣境其女祁在大翻山小翻山北今龍門縣地與宣邑接壤則宣邑之東境為女祁之西境又

(明史地理志)鷄鳴山在保安今為縣境故以四縣地斷之

(又案)漢上谷郡屬縣十五以水經注考之在郡境者凡十

有一惟泉上不見於水經據宣鎮志謂泉上縣在阪泉上其

說亦近若是則泉上與涿鹿當並為宣邑東境矣但不見所

據特存其說以備考

後漢幽州上谷郡下洛涿鹿縣地

(案)郡國志上谷郡止有下洛而無茹女祁據志云前史縣

名凡不載者皆世祖所并省女祁茹與下洛接壤其并入可

宣化縣新志

卷一 地理志

知遼史歸化本漢下洛而治文德文德本漢女祁是併女祁於下洛之例也

晉為幽州廣寧郡下洛涿鹿縣地

(晉書地理志)廣寧故屬上谷太康中置郡都尉統縣三下

洛潘涿鹿

潘涿鹿今保安州也

(案)此即後漢并女祁茹之下洛縣也漢廣寧縣隸上谷晉

置郡治下洛則又併廣寧入下洛矣

後魏為燕州廣寧郡廣寧縣

(水經注)下洛為魏燕州廣寧縣廣寧郡治

(案)魏書地形志無此文蓋志皆東魏制水經注則據元魏

全盛時之制言也

(又案)晉魏廣寧郡俱治下洛晉曰下洛則併廣寧於下洛魏曰廣寧則又併下洛於廣寧矣

(又案)魏書無涿鹿據高示葬乳母昭太后於廣寧鳴鶴山則其地又入廣寧郡

北齊為北燕州長寧永豐二郡地

(隋書地理志)廣寧北齊置北燕州領長寧永豐二郡

後周為燕州

(隋書地理志)齊北燕州後周去北字

隋涿郡懷戎縣

宣化縣新志

卷一 地理志

三

(隋書地理志)開皇初廢長寧永豐郡大業初廢北燕州

(遼史地理志)隋廢北燕州改懷戎屬涿郡

唐初復置北燕州復改媯州媯川郡末分置武州文德縣新州

永興縣

(唐書地理志)武德十年討平高開道置北燕州復北齊舊

名貞觀八年改媯州

(案)唐書地理志武州闕領縣一文德新州闕領縣四永興

礬山龍門懷安其闕者資治通鑑注所謂史失其建置之始

是也然考唐書紀傳武德以後無新武二州之名至昭宗龍

紀後李克用掠地始見新武二州則新武當置於此時若宣

德以前則惟有媯州據唐書北狄傳奚徒冷陁直媯州西北

後別部內附保媯州北山為西奚要知武州在媯州之北若

宣德以前有武州則應曰直武州矣乃不言武而言媯則其

時第有媯州無武州可知馬貴與謂唐末置武州良有據耳

又遼史謂後魏改下洛為文德舊唐書謂北齊改懷戎縣考

魏齊兩書並無二縣之名則懷戎明改自隋文德則當在置

武州時改之

遼西京道歸化州雄武軍刺史文德縣奉聖州武定軍節度使

永興縣

(遼史地理志)歸化唐為武州奉聖唐為新州石晉割獻改

宣化縣新志

卷一 地理志

四

今名歸化統文德縣奉聖統永興縣

宋歸化奉聖二州

(案)宋史地理志宣和五年始得雲中府武應朔蔚奉聖歸

化儒媯等州所謂山後九州也然據金史太祖等歸涿易等

六州太宗續歸武朔二州而已武為西武州非改歸化之武

州其應蔚奉聖歸化儒媯七州實許而不與也姑依宋史以

存其名而已

金西京路宣德州刺史宣德縣德興府德興縣

(金史地理志)大定七年改歸化為宣化州八年為宣德州

統宣德縣舊文德縣也大定二十九年更名又奉聖州陞德

興府統德興縣

(案)此宣德即兼女祁下洛之文德縣也
元上都路順寧府宣德縣保安州永興縣

(元史地理志)金宣德府元初為宣寧府太宗二年改山東路總管府中統四年改宣德府至元三年以地震改順寧府領縣三宣德宣平順聖宣德縣倚郭

明宣府左衛右衛前衛保安州地

(明史地理志)宣府左衛元宣德縣為順寧府治洪武四年縣廢二十六年二月置衛屬山西行都司二十八年四月改為宣府護衛屬谷王府三十五年十一月罷宣府護衛復置

宣化縣新志

卷一 地理志

五

徙治保安永樂元年二月直隸後軍都督府宣德五年六月還故治改屬

宣府右衛洪武二十六年二月置與左衛同城屬山西行都司二十八年四月改為宣府護衛屬谷王府三十五年十一月罷宣府護衛復置徙治定州永樂元年二月直隸後軍都督府宣德五年六月還故治改屬
宣府前衛洪武二十六年置治宣府城屬山西行都司永樂元年二月直隸後軍都督府宣德五年六月改屬

清置宣化縣

初省左右二衛入前衛為宣府鎮治康熙三十二年改置宣

化縣以宣化府驛深井堡併入為宣化府治

以上府志

疆域

唐虞夏商周秦宣化皆其州郡屬地界與治處道里皆無確據

漢武帝時幽州部設有碓替縣即今宣化北境有下洛縣即今

宣化地城在今城之東其界與碓替治處道里亦無確據

晉置廣寧郡治下洛至晉都洛陽三千二百里

劉宋時魏改下洛為文德陳隋因之其界至州郡處道里亦無確據

唐武州治文德至河北道一千五百里

石晉時契丹歸化州治文德至臨潢一千七百里至晉都晉陽

宣化縣新志

卷一 地理志

六

一千餘里

宋時金改歸化為宣化州領宣德縣即今宣化地至金上都會寧府二千四百里

元宣德後改為宣寧州至大都三百五十里至上都七百里

明萬全都指揮使司治元宣德稱宣府其城所屬東距鷄鳴山

西距洋河南北距東望山至北京三百五十里

清順治初年萬全都司仍明舊制

八年裁巡撫歸併總督其總督駐陽和都司治至陽和二

四十里

十六年裁宣大總督宣鎮歸併直隸巡撫統轄其巡撫駐紮

保定府宣鎮至保定七百里

康熙七年裁併都司於附郭之前衛仍治宣府

十年併前左右三衛及興和所為前後二衛又併後衛於前

衛仍治宣府

宣府在城廳所屬東距鷄鳴山西距洋河南距東城東界北

距東望山

三十二年允直撫郭世隆題改宣府前衛為宣化縣治仍前

衛舊署

縣境東北大楊家營與龍門縣關底交界距城八十里

正東小定州營與懷來縣達子營交界距城一百五十里

宣化縣新志

卷一 地理志

七

東南趙家棚與懷來縣定州營牛家窩交界距城二百二十里

正南牛家窩與懷來縣站家庄交界距城八十里

西南三兌里與西寧縣馬圈子交界距城一百二十五里

正西膠泥灣與懷安縣太平寨交界距城三十五里

西北高家屯與萬全縣營房里交界距城五十五里

正北東曠與龍門縣之常峪口青邊口交界距城四十里

以上舊志

山川

北山城北三里許為縣城主山上有北嶽廟

天德山城西北三十里

東望山城北三十五里

西望山城北三十五里

湯池山城東六十里溫泉出焉

燕然山（畿輔通志）燕然山在宣化縣東三十里上有疊翠巖

（宣府鎮志）鎮城東南三十里相傳為竇憲紀功處漢匈奴

傳師古注燕然山在速邪烏竇憲出塞三千里紀功當在其

地若今縣地猶是漢之郡縣地何足紀功要知古人於北塞

邊地每有燕然之名如唐書雲中郡有燕然山明隆慶志居

庸西山亦曰燕然不過以其為域中極北之地故以燕然擬

之若必以竇憲為說則誣矣

宣化縣新志

卷一 地理志

八

馬鞍山城東七里

八寶山城東六十里

黃羊山城東南三十里雲發則雨居民視此候陰晴（通志）相

傳為黃伯陽修煉處

鷄鳴山在城東五十里古鳴鷄山

（按）山西有洋河又謂之渾河元史脫脫傳脫脫扈從上都

還至鷄鳴山之渾河帝將敗於保安州馬蹶脫脫諫曰古者

帝王端居九重之上日與大臣宿儒講求治道至於飛鷹走

狗非其事也帝納其言即此地耳

（魏土地記）下洛地東北三十里有延河東流北有鷄鳴山

(水經注)趙襄子殺代王於夏屋而併其土襄子迎其姊於代其姊代之夫人也至此曰代已亡矣吾將何歸乎遂磨笄於山而自殺代人憐之爲立祠焉因名其地疑脫一爲磨笄山史記云其姊泣而呼天磨笄自殺代人憐之所死地名之爲磨笄之山孫云磨笄山在今保安州漢源鹿縣秦上谷郡治每夜有野鷄鳴於祠屋上故亦謂之鷄鳴山(魏土地記云)代城東南二十五里有馬頭山其側有鐘乳穴趙襄子既害代王迎姊姊代夫人也夫人曰以弟慢夫非仁也以夫怨弟非義也磨笄自刺而死使者自殺民憐之爲立神屋於山側因名之磨笄之山未詳孰是

(明一統志)唐太宗北伐至山聞鷄鳴因名今考磨笄山在

宣化縣新志 卷一 地理志 九

蔚州則此山之名應以一統志爲是

(明史)葉金幼孜傳(宣德中)幼孜從帝巡邊度鷄鳴山帝曰唐太宗恃其英武征遼常過此山幼孜對曰太宗尋悔是役故爲建憫忠閣帝曰此山崩於元順帝時爲元亡徵對曰順帝亡國之主雖山不崩國亦必亡

(按)鷄鳴之說諸說不一卽據魏書帝紀云葬昭太后於鷄鳴山列傳則云葬於廣寧磨笄山俗謂之鷄鳴山則當時本多歧說無怪後世之斷斷也然以理論之代夫人之磨笄應在代城其葬昭太后之鷄鳴山則在廣寧不得有磨笄之名但鷄鳴之名元魏已有之而不始於唐太宗則統志及宣宗

之間俱不足信也

以上府志

石人山城東十五里上有一塔矗立中空有小風輒發聲響望之如人形故名

黑寨山城東四十里卽古之荒草山也唐之薛綱與吳奇馬贊同居此山爲主上有大王寨下有將軍墳故又名曰黑寨山爲鎮城形勢山石有題詩一首山峯連谷洞嵯岩南天門赤壁照三川橫疊數百層南岩壽星嵯麋鹿胎叢林山坳黑風洞修性出山神上有臥龍石能擊十三音下有滴水洞水滴成物形上有瞭將臺俯視十三峯俚鄙不文可博一粲山內

宣化縣新志 卷一 地理志 十

蓄煤現有小煤礦數處

寶峯山城東南八十里

熬頭嶺羊房堡西北十五里上有巨石突出高數十丈因建墩臺以便瞭望

斷雲嶺卽今沙嶺城西北二十里

鶴兒嶺城東南三十里卽古藥兒嶺唐李可舉破李克用兵於此

分水嶺

泡沙山

臥龍山城東二十五里

煙洞山城北十里龍烟鐵礦卽從此開採

娘娘山城南二十里

十八盤山城南八十里

雲蓋山城西南五十里

團團山城西南八十五里

翠鳳山城東北三十里(明孫琦妙峯寺碑)宣府良地三十里

有寺曰妙峯寺翠鳳山前映元武岡後倚山明水秀真奇勝處

元武岡縣東北三十里

青山在青邊口北八里色比羣山特青

宣化縣新志 卷一 地理志 十一

小尖山在常峪口西七里

南尖山在青邊口

桑乾河一名渾河源出山西由陽原縣大小渡口東流入宣化

境壺流河由蔚縣來匯之

桑乾河源出雁門陰館縣累頭山東入海北過代郡桑乾縣南

故又名桑乾水(永定河志)云相傳桑葚熟時河水乾涸則

一臆說耳

(畿輔通志云)深水有三源其正源曰洪濤泉出故馬邑西

北十里雷山東之洪濤山故名卽古累頭山也自馬邑城西

北與桑乾泉會

又桑乾泉灑水之西源也道元曰縣西北上平洪源七輪謂之

桑乾泉卽涑涑水也

又桑乾河迤北流逕邊耀山東繞其北而西至趙霸岡之北與

桑乾合此下皆從俗稱渾河但宣化人猶謂之桑乾河

桑乾由陽原小渡口入宣化界有壺流河合廣靈蔚縣諸水自

西南來注之

桑乾河既匯壺流河水勢益悍賴兩岸夾高故雖無堤埝不至

橫行乃河流至鎮河營入宣化縣界距城西南一百三十里

又東流逕蔡嶺子村西東打魚灣又東至上油房村口有大

黑溝水自北來注之

宣化縣新志 卷一 地理志 十一

大黑溝 狼洞溝 上河溝 上下沙溝 王家灣泉 搶

紅崖泉 花園溝乾沙河 望扒梁泉 公務渠 南惠民

渠 百戶渠 以上十一水皆渾河所自受者

東洋河

大西溝 大東溝 東口西沙河 黃土梁山水 小清水

河 柳河川 朱家庄泉 黑台溝 党家溝乾沙河 水

泉堡泉 安家台乾沙河 泥河 後壩口乾河 小白陽

堡乾河 松樹溝乾河 潢泉 響泉 鐵底湯 修水池

馬草溝 葛峪口乾河 深溝乾河沙 城河 葛峪口分

支乾河 碾槽溝乾沙河 李家堡泉 亭兒泉 平坡渠

中惠民渠 恩民渠 八寶山水 西水泉 黑龍池

以上三十五水皆三洋河在宣化縣所受匯入桑乾者

桑乾河由大黑溝東流有狼洞水注之又東至桑家灣有
上河溝水注之即黑龍溝泉西北流入河又東北至下沙
嘴又東北十里逕謝家灣又東北十里逕王家灣有泉自
注之又東逕搶紅崖有泉自注之又東逕十二里折而東
至望扒嶺有泉自注之又東逕張家灣三十二里折而東
入懷來界逕東寨溝子營南復上葫蘆村有乾沙河河口又
東復歸入懷來縣界逕溝子營南復上葫蘆村有乾沙河河口又
東過懸山骨長山口復錯入宣化界至十字坡南(又名石子坡)
流三十里上下兩山夾侍又五里至南北孤山入保安州界

洋河為桑乾河北大支分東南西南三派東河即古于延水西洋
河即古延鄉水南洋河即古雁門水而以漢書地理志考之

宣化縣新志 卷一 地理志 十三

則獨稱于延水出塞外即修水也

頭道河在北二道河在南各長八九十里兩源既合土人遂呼
為合河東南流有七七哈那河自東北來匯至納令溝與頭
道二道兩河合於是東南流左望烏拉哈達右望洞兒上各
相去十餘里又東南逕寶滿溝又迤而西南逕甲兒石河西
又南東洋河口入邊過萬丈崖是懷安縣北界計自納令溝
至此五十五里始名東洋河又東南自北辛莊抵柴溝堡計
自入口至此又三十里乃與西洋河合

西洋河即水經注延鄉水也其上游曰兆哈河亦名昭合河源
出昭合嶺之麓在正黃旗察哈爾東南六十里山西豐鎮廳

北界東南流至鎮口台入懷安縣西北界又東南逕西河台
其西南即三道境有一水自天鎮縣東流而來會蓋西洋河
之南源也至會河堡與南洋河合

南洋河即水經注雁門水出山西豐鎮廳界雁門山東南流二
百餘里又東入直隸南洋河口是為懷安縣西界又東至會
河口與東西洋河合三洋河會為一瀆遂統名之為洋河

洋河自受鎮川水溝諸水槽岸愈展至是關四五里仍東南流
逕沙河槽舖又東逕太平寨北入宣化縣界逕清水河舖西
南自三洋河口至此百餘里有清水河自北來注之

清水河即水經注寧川水也出萬全縣東北張家口外一百四
宣化縣新志 卷一 地理志 十四

十五里雙盤道嶺為張獨二廳分界處南流出普渡橋下逕
前屯西至高家屯東其東岸與宣化縣分河又南逕沈家莊
東至寧遠站堡南入懷安界其東岸與宣化分河又南逕小
站堡腰站堡至清水河堡西其西岸亦宣化界也又南入洋
河長一百九十五里

洋河又東流逕清水河舖南又迤而東南逕屈家莊抵沙嶺堡
跨南北兩岸嶺在河北又東逕膠泥灣河形至此一曲轉而
東南逕水灣台又東逕兩戶莊至黑台橋西宣化縣之城西
南也有柳河川合數小水自北來注之

柳河川其上游曰小清水河別乎雙盤道嶺之清水河故稱小

焉有東西二源西源出張家口下堡東北十里水泉清水流入龍門縣西界巡柳台溝南又東逕羊房堡青邊口轉而東北又折而南逕西空臺東又迤而西南至常峪口堡西凡流六十餘里與東源匯東源出龍門縣直北塞外張理廳之菲菜坪北樺林屯南西南流逕四臺嘴熱草溝松樹溝駝鞍山至龍門縣西界常峪口北折而西凡流四十餘里與西源會兩源合而東南流伏入沙中更名乾沙河至東南空心寺後潛源復出始名柳河川折而西南入宣化界逕范家莊項家營雙廟堡南灣里至望河灣其西岸即東望山也又屈曲西南流逕路家房四方台南轉而東南復折而西繞北山寺逕

宣化縣新志

卷一 地理志

十五

宣化城北又西南逕明開平王常遇春墓北（案明史列傳常遇春拔開平還途次柳河川暴疾卒即此）有一泉自北注之（泉出城西北東南流逕朱家莊入柳河川）又流抵北壩下至城西又南入洋河長五十餘里（明史河渠志）正統十三年鑿宣府城濠引北山水環城入城南大河今柳河川自北山來逕城北繞而西至城南入洋河與明志合洋河又東流出黑台橋下有黑台溝乾沙河自西南而東北流流之

黑台溝出宣化縣西南五十里羊城子亦名羊城溝東北流逕上下榆林與党家溝乾沙河合在縣西南党家庄又東北流

逕水泉堡在縣西南四十里有泉自東流注之又東北流有安家溝乾沙河東流來合出縣西南安家台村又東北流至黑台橋東入洋河長五十里

洋河又東南流過頭台逕宣化城南出普濟橋下又東南至泥河村西南泥河自東北來注之

泥河上游為龍門溝即水經注黑城川水也在張家口外一百五十里與獨石口交界西南流出山谷間入龍門縣界河常枯澗南逕後壩口有乾河來合又南逕小白陽堡亦有乾河來合皆在龍門關西又南入宣化縣東北界至張家莊南有松樹溝會合諸泉東北來注之

宣化縣新志

卷一 地理志

十六

松樹溝本乾河也出赤城縣之松樹堡西南流出口由獨石廳界入龍門縣西北小白陽口逕鎮衝台下又西南入趙川堡西南趙川堡在龍門縣西五十里折而西入宣化縣界逕白廟堡北有四泉來注之四泉者百漢泉在趙川堡西南二里半清平濁莫測深淺周半畝許一日響泉在漢泉東雨水其清冽夜聽有聲此兩泉皆自趙川堡南流來會又有溫泉一統志名鐵底湯在趙川堡東南八里冬夏常溢熱氣氤氳又有甘泉在白廟堡北流來會自受四泉始常流而不竭又西南流至張家莊南入泥河案宣化府志溫泉一甘泉即修水池而安瀾志皆重出分為二水非是

泥河又西南流逕古城兒北出浮橋下有馬草壩泉西北來注之又西南逕關子口黑寨山北麓下在宣化縣東四十里土石皆黑古

稱是水曰黑城川蓋指此也又西南流逕雙營堡南轉營兒

南又西南逕賈家灣至顧家營有葛峪口乾沙河自北來合

葛峪口乾沙河其上分兩派自龍門縣東西葛峪口分流而

過下葛峪口兩派始合又西南入宣化界逕東壘里宋家營

買家營又逕買家灣又西南逕大堡子南有東西深溝乾沙

至大堡子東入泥河又西南逕大堡子西入泥河又西南

河自北來合東西深溝在宣化城東二十里由深溝又西南

出普渡橋下逕左家營南有城河自北來入之城河出左家

里西南流折而南直又西南流逕大慢嶺東南至趙家營南

則有葛峪口分支河乾河自北來入之葛峪口之乾河與上東

而流與自龍門縣東北山下至圍子溝始有水南流逕上葛

峪堡東供民汲飲又南流數里即竭至宣化縣之范家莊南

又流為東池沙西池沙又南逕小慢嶺子至趙家營入泥河

其西又分支上流已斷下流逕馬山又南至城關下復無

宣化縣新志 卷一 地理志 十七

迤南入洋河長一百二十里

洋河又東南流逕前所堡東半坡街西抵迎風塔下又東南逕

湛家庄鷓子梁響水鋪磁坡窩等處繞黃羊山之南至燕然

山足又東南流逕上花園西南又東至金龍口有碾槽溝乾

沙河自北來注之

碾槽溝乾沙河出龍門縣小白陽堡東翠屏山之龍潭舊志云

在趙川堡東北三十里潭水涌出南流一里即淤而其西大

白陽堡復有泉南流而東轉至碾槽溝口號為羊溝水亦出

保而盡龍門縣志龍門泉水頗多不下數十處皆消涸細流

記

此外尙有三泉一自小白陽堡之西流至宣化縣東李家堡

一自南西周家窰起亦流至李家堡而合一自大白陽堡之

東流入宣化縣之張家窰西南逕下花園同歸金龍口入洋

河

洋河又東南流逕逕鋪南抵鷓鳴山下元史脫脫傳從上都

還至鷓鳴山之渾河即此舊亦稱鷓鳴山在張家堡而與蔚

州之磨笄山亦名鷓鳴山者迥別循山而南五里為鷓鳴驛

又南稍東逕棘針屯至亭兒上村有亭兒泉自東來注之又

東南逕西水泉屯又直南逕單家堡西迤而東南入保安州

宣化縣新志 卷一 地理志 十八

界逕下台府東有平坡渠自西南來注之平坡渠灌田渠也

西受桑乾水東北流逕馬軍莊曹家堡又南流稍東逕西八

里屯西有中惠民渠自西南來注之此亦灌田渠也自順堡

安州城北又東北至周官堡二十五里又東南流逕沙窩村

西繞而南與新興堡相望迤而東南入懷來縣界逕雙樹子

北至保家莊東北入渾河自清水河口至此又行百餘里桑

乾河於是會集雲中諸水助其狂瀾乃挾而東流逕夾河村

北其北岸曰沙窩村保安州之錯壤也有八寶山水自北來

注之

八寶山水宣府鎮志出宣化縣城東六十里之八寶山距懷

來縣西北七十里東南流逕新保安東蘇子營西又東南入
渾河

桑乾河又循窩棚山陽東流而南轉逕沙城堡之東南有西水
泉自北來注之

西水泉即沙城泉也出沙城堡之老龍潭貫堡而南流十餘里
至西水泉入渾河

桑乾河又東南流逕老君山東暖泉村東至好家營北有礬山
水自西南來注之

案安瀾志云東流逕礬山北礬山水自西
南來注之今據一統志礬山故城在保安
州東南六十里明遼礬山堡於此桑乾河
尙在堡東相去三十餘里豈能流逕其北
當是誤記若謂寬指山言則尤遠不
相及矣

宣化縣新志

卷一 地理志

十九

鐵底湯即黑龍池在城東六十里冬夏水溫熱氣氤氳有疾者浴之
立愈

龍潭在白廟堡七里許

東深溝在城東二十里

西深溝在城東二十里

涿井海子深井堡南微東水無泉夏日山水暴發合一川之水
皆滲集於此中深數丈周圍十數里許冬夏不涸亦
巨浸也

黑龍池在白廟堡 四周築以石方六尺許深丈餘水湍湍然
向上湧歲旱祈雨輒應池西有寺

溫塘在白廟堡東南五里許山岩下有二溫塘一以石砌之溫

水白塘底湧上一借山勢造成溫水自山中流出官民患
瘡痔多坐浴於此頗奏神效

響音塘在白廟堡南水聲潺潺自巖隙石洞瀉出激石而鳴聲
達數十武故以響音名洞內有泥金沙隨水湧出日光照耀
若黃金旁有一洞深數丈相傳爲村人避亂處

以上畿輔通志

附洋河廣惠橋碑記

洋河來自塞外南入桑乾雲谷及漠北諸水皆歸焉流沙善潰
莫利往來前開府吳創爲木橋時修時圯夏秋水漲橋爲水沒
秋冬之交役四營兵士數千人囊沙障之鵠立冰水中裸衣負

宣化縣新志

卷一 地理志

二十一

土偃臥流澌手龜指墮橋又與水沒河冰一合冠蓋往來商賈
奔走自冬及春曳輪濡尾褰裳沒跡履薄恐墮中丞王慨然興
歎已丑冬一意爲橋曾妙上人福登有戒行曰大事在心勝緣
非偶與經營之乃發八路工匠及河南戎卒之半界沙布橋以
礫實之爲層者二爲級者六爲門十有七橋長千尺廣並數軌
橋南聚沙爲長隄凡千二百武種柳數萬株俾不侵防爲橋之
初水漸徙而南下吉導水先一夕雷雨大作破隄應期直奔橋
下厥工告成洋河爲中國鎖鑰夏門戶壯觀中朝控制百額
茲固疆場之功社稷之利乎

又吳盛藻廣惠橋詩

何以最愁余長橋人影疎應憐公莫渡豈歎食無魚岸柳青條外邊沙白骨魚遊人徒悵望雙鯉不傳書

附西鄉永固壩碑記

聚石刷水傳美利於無言荷鍾成雲仰深恩而生慕茲永固壩自修築以來倡首者有鄭君魁士數公而督理者實賴總鎮觀察太守大令各憲相度機宜議籌經費捐施籍俸倡率鳩工和衷共濟相與有成壘以巨石綴以灰鐵就河入渠所行無事時工程既竣將修理隄防河之水各資肥沃業安耕鑿邑之民並慶豐亨地無水旱之災人有飽煖之樂斯又裨於民生恩誠普也謹序俚語鑄諸石為示愛熈甘棠焉爾

宣化縣新志

卷一 地理志

二十一

附通橋河二十四壩引水成規碑記

蓋以民田全賴水利河道必需流通是以溝洫正則利澤胥沾灌溉均則豐亨有象邇來頻年乾旱水利不均強弱者獲利不資懦弱者束手無策此爭訟所由起也宣化西門外通河兩岸共二十餘堡雖係萬全懷安宣化三縣所屬而土壤相接均由通橋河引水灌溉東西共壩二十四道旱年立有成規彌縫約據春間自上而下秋後自下而上挨次澆灌毫不紊亂處置甚為得宜奈歲遠年湮不循舊址其間奸巧之徒越界取水廢熟澆荒一人取利人人效尤至寸田俱無擅行賣水弊端百出莫可制止固人心之不古亦積久而法敝其勢然也茲有文生

德揚

許 公稟批飭衆堡公同妥議嗣後澆灌田地俱以舊率上渠澆畢即歸下渠挨次灌完方准澆灘既不得生奸取巧亦不得恃強攔擋更不准竊築渠口於中取利衆堡如一合壩皆然享利無窮爭端盡泯不持一時之義舉抑亦數世之良規也爰立石永為定程俾後之有田產者庶幾知所遵守云

形勢

唐河東節度使王忠嗣以安祿山治陜塞告變

安祿山將反長安恐河東兵掃其巢穴因城雄武陞飛狐塞忠嗣預測其機故告變焉夫飛狐塞今廣昌之黑石嶺南通紫金倒馬西入大同雄武乃唐武宗置山後八軍以武州為

宣化縣新志

卷一 地理志

二十二

雄武軍即今宣化地也

宋太宗控陜山後險固

按山後重地自石敬瑭敗契丹宋太宗銳意恢復嘗乘破漢餘威數道深入其勅諸將曰潘美但趨雲朔曹彬米信以大衆聲言取幽州緩行持重不得貪利敵必悉衆救范陽不暇援山後矣此實得進取山後之法後彬輕進敗績山後淪沒垂四百餘年中原右臂形勢長虧惜哉

歐陽修論控禦契丹

五代史云幽州西北有居庸關又西北有石門關皆中國控禦契丹之險也按宣之通京師者有居庸關而居庸之路必

由鷄鳴故控禦之法宜地宜謹也

明兵部尙書馬文昇備邊要地疏

略曰蒙古由雁門三關則掠我太原由紫荆則掠我保定由
白羊則入近京師故三者備蒙古要地也孫太史世芳云雁
門三關緊急當責之大同紫荆白羊緊急當責之宣府
都御史周綱急備要疏

略曰寶峯川通宣府要路二十八盤分水嶺蕎麥川三者最
急孫太史云此據鎮城南路言之

兵部尙書王瓊備邊事宜疏

略曰宣府至居庸僅二程去蒙古邊垣百里而已故有緊急

宣化縣新志

卷一 地理志

二十三

京師即當爲備孫太史云威寧有警則宣鎮當備宣鎮有警
則京師當備應援之策不可不講也
都御許倫防守要害論

略云宣府山川糾紛地險而狹分屯建將倍於他鎮是以氣
勢完固號稱易守然去京師不四百里鎮鑰所寄要害可知
舊鎮志形勢論

全鎮飛狐紫荆控其南長城獨石枕其北居庸屹險於左雲
中固結於右羣山疊嶂盤踞峙列足以拱衛京師而彈壓蒙
古誠北邊重鎮也

鎮城羣山環拱於東北洋河縈繞於西南居東西道里之中

實一鎮要害之地

東路重山列東北之險居庸壯表裏之勢羽翼鎮城拱護陵
寢

南路襟帶桑乾表裏紫荆獨以西原一面受敵

西路山勢自東北而來至此漸低雖有野狐德勝之固較之
他路殊有間矣

北路重山突出俯垂北荒相傳以爲本鎮地勢類虎此爲虎
首

中路背負層山坐擁邊城當西北兩路之衝爲鎮城唇齒之
地

宣化縣新志

卷一 地理志

二十四

宣鎮形勢南有居庸紫荆東聯西絡爲京夏內防北有龍關
狐嶺重拱疊護爲京夏外防

宣鎮圖說形勢

宣鎮爲京師枕背之區東聯昌鎮西界大同延袤千三百餘
里屹然西北一重鎮焉鎮城雄據上游稱都會之地重兵屯
聚頗足彈壓

東路永寧城周四溝等堡臨邊延慶懷來新舊保安土木沙
城等堡居腹幅員二百餘里爲宣鎮之左臂

南山處東路之南內衛陵京外禦邊寇北門鎮鑰莫此爲甚
下北路幅員僅七十里餘邊長則二百十四里餘邊外白草

docsriver 文川网
入驻商家 古籍书城

在文川网搜索古籍书城 获取更多电子书

瓦屋嵯峨突兀林木深阻寇騎伏藏難於偵探控險據要最為重焉

上北路乃上谷之咽喉陵京之右臂獨出塞外三面受敵於

九邊中尤稱衝要

中路自鎮城之北四十里倚山為邊北面藩籬也

上西路在鎮城西北八十里與寇只隔一牆最為要害

下西路六城堡當西北之要衝為東南之屏障

南路在鎮城西南無邊垣可據有腹裏之安屹然上谷一藩籬也

星野

宣化縣新志

卷一 地理志

二十五

天文尾箕分野析木之次志通

自尾四度至斗六度謂之析木之次立冬小雪居之燕之分野

月令燕地尾箕分野也西有上谷代郡雁門漢書地理志

自尾十度至斗七度百三十五分而終曰析木之次於辰在寅

謂攝提格於律為應鐘斗建在亥今燕分野帝王世紀

尾有七星形如蝎尾箕有四星形如牛角注苑珠林

箕尾之間謂之九江口觀象玩占

尾箕燕之分野上谷代郡皆其分也文獻通考

北直隸延慶州保安州萬全都指揮使司十二衛四所天文尾

分野明書方輿

華湘曰房天子之後廢心天子之象尾主后妃叙御於君所受

之以箕示婦道也五星聚尾箕而有天寶之亂類占如此史明

稿天文志

天文考略曰尾九星者蒼龍之尾也左傳曰丙之辰龍尾伏辰

律書曰尾言萬物始生如尾也國語曰日月會於龍龜龜龍

尾也謂日月會於尾也武王伐商日在析木月令曰孟冬之

月日在尾是也箕亦為龍尾為敖客與尾同官曰析木之次

於辰在寅於州為幽蓋燕之分也兩續三關志

宣郡為燕之始郡氣自西而東故占尾上同

宣化縣新志

卷一 地理志

二十六

隋丹元子步天

歌九星如鈎蒼

龍尾尾下五星

號龜星尾上四

橫天江是尾東

一星名傳說傳

說東畔一魚子

龜西一室是神

宮

(按)東方蒼龍七宿次六為尾所謂九星如鈎蒼龍尾也尾

尾宿圖



十八度去極一百二十度尾於辰在寅尾於州爲幽尾於朝
廷主後宮尾於占主魯主兵然日有災變以孟冬月占月有
災變以孟夏月占蓋以其時日月在尾燕分耳考之月令孟
冬之月日在尾故十月朔日食則占主尾分孟夏之月日在
畢日在畢則月在尾故四月望月食亦占在尾也